

<<1515: Ch' est Marignan! 2020 : Ch' est el 'Connard à virus ! >> : Parlage à ms' tiots - éfants.

Ech premier jor d'al nouvièle énée 2020, in n' savoèt po cor jouqu' i' alot nos keïr dsu no tlète quand in alot étrener no famille .

Eust' énée-lo : Ch'étot nin conme din al bièle cainchon ed' Pierre Bachelet : " L'énée 2001", chpindant : Cha avot bé kminché ; Pi, mi, j' avos in mécant sintimint : 2020 : Ch' étot pon in bé chiffre. Ches énées bissectiles : Ej' n'avos po kèr cho ! Ej ' n'ai jamoais chu diviser pa quate : El' maite d'école : I 'm' l' a toudi dit ! Açteure, errevenons am' n' istoère ! Do pou mi : Cha kminchot mau ! Jainvier, février : Cha dalot cor bé, pi ch'est in mars euqu' cha a kminché à sintir el' pâté conme in dit pa ichi ! In a edvisé dsu ches Chinois, étint donné qu'euch virus i vnot ed' Chine ! :

- << Mi, 'j 'elzé po kèr !>> : Qu' ej' dis à min garchon : L'étot po contint : Chti-lo ! Ej' poursuis : << Ch'est d' leu feute si in atrape euch' virus : Napoléon Premier, ia toudi dit : " El' péril ganne in edvisant d'eusse ! >>

- << Bé ! T'n 'es po jusse !>> : Qu ' i m'a répondu .

- <<Te vas vir jouqu' i va nos keïr dsu no tlète in 'euch' l'énée d' brin 2020 .! >>: Qu'ej' dis cor.

- << Eh ! Bé !>> : Qu 'i 'm répond et pi ch'est tout . Euch' dvisage arta lo et pi lo-dsu : Vlâ equ' min gugusse ed' connard à virus i' arive in France. I' avot passé toute-et-oute ches

payis .Biète qu' in étot, in créiot qu'i s'artrot al' Chine et pi qu' i 'n' passerot po ches frontières ! Ch'étot portant nin al' première foés qu' in virus in' s' artrot pon ! Pou l'eure : létot dja dsu no tiète. Ch'étot po possibe ! In s'est radmint rindu conte du contraile ! Adon, ch'alot drole ! Pou l'eure, ont kminché ed' droles ed' saquoés ! In s'arot apinser sifait qu' in étot à mon ches médecins ed' Molière .

Falot eu's laver ches mans pu ed' chint fos pa jor. Mi qui n'avos po kèr cho : J'étois siervie ! Mes mos z'alotent dévnr des loques toutes bleuses ! In n'dvoèt pu vuidier sifoait qu' in étot maladiou : Falot dmorer a' s' baraque, pindant quatorze jors, sin rin foute : Te parles d'in remède : In n'avot jamoais vu cho ! In étot sonné comme des clokes d'église ! Après i sanne à vir qu' in irot miu o bin pu mau : A suivre ! Sitant qu'à foaire ! << Queule énée : 2020 ! Eune vraie énée d' brin !>>

Bin seur : lavot pis : " Tous ches defunctés " : cho kéïot comme ine drache ed' mouches pindant ches biaux jors . Tous ches jors, iavot euch' contagé al boète carrée : Cho grandissot à boulvue et pi ches tests din nos naviaux à l'eure ed' minger : Cho nos impékot ed foaire boine chère : I sanne à vir qu' i foaisotent exprès ! In kminchot à tranner din 's mason : Euch virus , euch connard-lo, i nos rindot pu malades qu' in étot. << Eh! Bé !>> : Qu' ej 'm redisot :<< Enée 2020, énée d' brin ! >>

Pi après, quand in a pu daler déhor, après avoèr été enfreumé pindant deus mos , jouqu' i n'étot po rin ! In s'est tertous ertruvoè, daguisé in Zorro . A dire euqu'ches masques : In 'l zavot dsu no bouke pi no naviau a' l plache ed' nos ius : Ch' étot nin biau à vir ! In pusse, in avot ed' mau à respirer ! Falot s'inrouter ! Cho foaisot ed' droles d' tiètes. In s'ravisot tertous comme des débousés ; Mi ej' rigolos comme eune boubourse tant j'étois in rage

d'avoèr à mette cho dsu eum' guife pi auchi à raviser ches autes tiètes po possibes ! On étot
pis qu'au carnaval ed' Dunkerque ! Mais, lo ! In s'erlusot moïnse ! : Ch' étot : " Rinconte du
troisième tipe " : In biau film , du resse ! Nos autes jouqu' in indurot : Ch'étot po 'al' meme
cainchon : In 'n savoit pon el tins qu' cho alot durer à raport à cheule durée d' euch film... <<
2020, énée d' brin ! >>

Adon , après el défutache in mai, défreumé conme ches kiens, in est dalé radmint in
vagances. Cho nos foaisot du boéneur ! In s'ertruvoèt in famille ! Cheules grosses légumeuses
: Politiques, médecins du cors, d'al tiète : I dvisotent tous ches jors al télé ; I dizotent tout et
pi rin : In 'n'savot pu que rapinser !

Et pi ia eu ech' couvre-fu ! Lo, on n'avot pi qu' à daler eusse couker conme ches
glennes . A

diss huit eures, falot s'enfreumer à 'eusse mason : cho erkminchot ech' brin ! Ch'étot a
euch'

l'ivièr : Euch' connard à virus : létot toudi lo , et pi après , in a caché in vaccin qu' in a
déteupé

: létot tans ! Adon i est infin dalé : Cho avot bé duré lontans ! In a kminché à respirer, in
a

foait al fiète, in a trinqué, in a galaféré, in s'est racolé . Insanne : In étot fin bénage ed'
nouviau,

contint qu' euch connard à virus : létot dalé ! : << 2020, énée d' brin ! >>

on va arter lo :<< Evnez ichi, mes tiots-éfants qu'ej vos imbrache !>> : Q'ej leus dis à

euch' momint-lo : << sitant qu'in savait cor el foaire ! >>

Insin , finit cheul' trisse conte du coronavirus conté à mes tiots-éfants.

